

**2022 жылғы республикалық тамыз кеңесі аясында  
«Мектепке дейінгі тәрбиелеу мен оқытуды дамытудың жаңа моделін іске  
асыру: мазмұнды сапалы жаңғырту»  
тақырыбында мектепке дейінгі тәрбие мен оқыту жүйесіндегі  
педагогикалық қызметкерлерінің панельдік секциясын өткізу туралы  
АҚПАРАТ**

2022 жылғы 10 тамызда Республикалық тамыз кеңесі аясында офлайн/онлайн тәртібінде «Мектепке дейінгі тәрбиелеу мен оқытуды дамытудың жаңа моделін іске асыру: мазмұнды сапалы жаңғырту» тақырыбында мектепке дейінгі тәрбие мен оқыту жүйесіндегі педагогикалық қызметкерлердің панельдік секциясы өтті.

Секция жұмысына ҚР Оқу-ағарту министрлігінің өкілдері, Балаларды ерте жастан дамыту институтының мамандары, мектепке дейінгі тәрбие және оқыту бөлімдерінің басшылары, Нұр-сұлтан, Алматы, Шымкент қалалары мен облыстардың мектепке дейінгі білім беруді басқаратын білім басқармаларының мамандары, облыстық әдістемелік орталықтар мен кабинеттердің мектепке дейінгі тәрбие және оқыту бөлімдерінің мамандары, мектепке дейінгі ұйымдардың басшылары, әдіскерлері мен педагогтері жоғары оқу орындарының, колледждердің оқытушылары, біліктілікті арттыру институттарының, үкіметтік емес ұйымдардың, ата-аналар қауымдастығының мамандары қатысты. Аталған тамыз панельдік секцияға 2000-нан аса адам қатысты.

Шақырылғандардың ішінде ҚР Президенті жанындағы Мемлекеттік басқару академиясының, «OYNA балалық шақ институты» ҚБ, «Bilim Land» ЖШС «BilimKids» ҚБ, «BilimInvest» ҰИ, Қазақстандық үздіксіз білім беру қауымдастығы» жеке кәсіпкерлер мен заңды тұлғалар бірлестігінің, Жекеменшік ұйымдардың республикалық қауымдастығының, Жекеменшік мектепке дейінгі және орта білім беру ұйымдарының «Әділет» қауымдастығының, «Өрлеу «БАҰО» АҚ, ҚР ОАМ Білім беру саласындағы сапаны қамтамасыз ету комитетінің өкілдері, Нұр-Сұлтан қаласындағы Білім саласындағы сапаны қамтамасыз ету департаментінің басшысы болды.

Панельдік секция бағдарламасына мектепке дейінгі білім берудің маңызды аспектілері бойынша жоғары білікті мамандардың баяндамалары енгізілді.

Тамыз панельдік секция барысында қатысушылар мектепке дейінгі білім беру саласындағы өзекті мәселелерді талқылады, мектепке дейінгі тәрбиелеу мен оқытуды дамыту моделін іске асыру шеңберінде Қазақстан Республикасының мектепке дейінгі ұйымдарының қызметін қарастырды, сондай-ақ пилотқа қатысушылар Республиканың мектепке дейінгі ұйымдарында жобаларды іске асыру туралы айтып берді.

Мектепке дейінгі білім берудің ағымдағы жағдайы және мектепке дейінгі тәрбиелеу мен оқытуды дамыту моделін іске асыру шеңберінде 2022-2023 оқу жылына арналған жұмыстың негізгі басым бағыттары туралы ҚР

ОАМ Балаларды ерте дамыту институтының директоры М.Адамова айтып өтіп, білім беру процесіне қатысушылар үшін негізгі міндеттер айқындалды. Тыңдаушылардың назары МДТМО МЖМС енгізілген өзгерістерге (03 мамыз 2022 ж. ҚР ОАМ №348 бұйрығы) және тиісінше ілеспе НҚА (мектепке дейінгі тәрбие мен оқытудың үлгілік оқу жоспары, мектепке дейінгі тәрбие мен оқытудың үлгілік оқу бағдарламасы) өзгертілетініне аударылды. Балалардың коммуникативтік, танымдық, зияткерлік, шығармашылық дағдыларын, зерттеу қабілеттерін дамыту, олардың дене бітімін дамыту, әлеуметтік-эмоционалдық дағдыларын қалыптастыру ұйымдастырылған әрекеттерді кіріктіру арқылы іске асырылатын болады. МДТМО сапасын арттыру мақсатында жүргізілген зерттеулерге тоқталды.

«Құзыреттілік орталықтарының жұмысын ұйымдастыру», «Мектепке дейінгі ұйым тобындағы күн ішіндегі екі педагог» пилоттық жобаларының қатысушылары ретінде Павлодар қ. «Радуга» №96 бөбекжай-балабақшасы» МКҚК тәрбиешісі Светлана Александровна Потапова пилоттың жағымды және жағымсыз жақтары туралы айтып берді.

Бұдан әрі ҚР ОАМ Мектепке дейінгі және орта білім комитетінің төрайымы Гүлмира Райынбекқызы Кәрімова мектепке дейінгі тәрбие мен оқытуға мемлекеттік білім беру тапсырысын орналастыру бойынша жаңартылған талаптармен таныстырды. Мектепке дейінгі ұйымдарды лицензиялау туралы ҚР Оқу-ағарту министрлігі Білім және ғылым саласында сапаны қамтамасыз ету комитетінің төрайымы Гүлзат Ісбасарқызы Көбенова егжей-тегжейлі тоқталды.

«Өрлеу» біліктілікті арттыру ұлттық орталығы АҚ басқарма төрағасы Мухаметжанова Асел Зейнулақызы «Білімді ұлт» жобасын іске асыру жағдайында мектепке дейінгі ұйымдар педагогтерінің біліктілігін арттыру курстарынан қалай өтетіні туралы айтып берді.

Соңында Қазақстан Республикасының Оқу-ағарту министрі Асхат Қанатұлы Аймағамбетов пленарлық секцияның жұмысын қорытындылады және мектепке дейінгі білім беру жүйесінің жай-күйі мен даму перспективаларын сипаттады.

Пленарлық мәжіліс аяқталғаннан кейін делегаттар секция жұмысына қатысып, 2022-2023 оқу жылындағы нұсқаулық-әдістемелік хаттың мазмұнымен және тәрбие-білім беру үдерісінің бағыттарымен танысты.

Секция жұмысы барысында қатысушылар арасында пікір алмасты, мектепке дейінгі білім беру жүйесі педагогтерінің тәжірибесін бұдан әрі жетілдіру үшін сындарлы ұсыныстар мен шешімдерді әзірлеу талқыланды, ұсынымдар қабылданды.

Тамыз панельдік секциясының қатысушыларына, мектепке дейінгі білім беру мамандарына үздік педагогикалық тәжірибемен танысуға, осы бағыттағы өз қызметін талдауға, перспективалық жоспарларды белгілеуге мүмкіндік берді.

- 1) Республикадағы МДТО туралы: <https://youtu.be/o-QToEoZsa8>
- 2) Пилот күнделігі: [https://youtu.be/w5Hj\\_T3t9Zo](https://youtu.be/w5Hj_T3t9Zo)
- 3) Пленарлық отырыстың жазбасы:  
<https://www.facebook.com/oquagartuministrliqi/videos/415998987175080/>
- 4) Козловская Т.А., «МДҰ үздік педагогы»: <https://youtu.be/QRy7m6QoBLo>
- 5) Жаксимбетова К.Т., «МДҰ үздік педагогы»: <https://youtu.be/YF3cJQlg9wk>
- 6) Еришова Э.А., «Мұрагер» б/б Орал қ: <https://youtu.be/jz8QkTPDyWM>
- 7) Баяндина Л.Е., «Алтын бесік» б/б, СҚО: <https://youtu.be/zmLy5vhnVbU>
- 8) Мотузко А.И., «Шаңырақ» б/б, Қарағанды қ.:  
<https://youtu.be/0eYKRdnxZzU>
- 9) Мамыраева Б.П., «МДҰ үздік педагогы»: <https://youtu.be/euR5bEiLBMU>
- 10) Байбекова Н.А., «Еркем-Ай» БТББО Талғар қ.:  
<https://youtu.be/vTqGicT4HcI>
- 11) Кожухметова Р.Т., д/с «Қарлығаш» МЦ УДП РК г.Нур-Султан:  
<https://youtu.be/SznrvgauDt4>
- 12) Потапова С.А., я/с №96 «Радуга» г.Павлодар:  
<https://youtu.be/AhnNKWBnFZQ>
- 13) Умарова И.Х., д/с «Нұрсәт» г.Ақтобе: <https://youtu.be/ZqMP14vnjNE>